



Naalackersuisut siulittaasuata ammaanermi oqalugiaataa tunngavigalugu oqallinneq.

(Naalackersuisut Siulittaasuata)

Inersuarmut maanga uteqqilluni nuanneq. Qanorluunniit politikikkut isummagut pingaartitagullu pillugit isumaqaralarutta, tulluusimaarutigaara, tamat oqartussaaqataanerat pigigatsigu, naapeqatigiissinnaalluta politikkimillu oqallissinnaalluta pissuserissaartumik eqqissisimasumillu.

Tulluusimaarutigaara, tamat oqartussaaqataanerat pigigatsigu, maani inersuarmi politikikkut sakkortuumik oqallissinnaalluta, kingornalu nuannisaqatigiilluta meeqqat, ilaqquttat, timersorneq allallu kaffisuutaa kaagilerlugu, oqaluuserisinnaallugit.

Isumaqarpunga, amerlasuut, tupaallaatigissagaat, uagut politikkerit nuannisaqatigiissinnaagatta illarsaqatigiissinnaallutalu partiit assigiinngikkaluartut.

Taamaattumik asasakka suleqatit; takoqqikkassi nuannaarpunga, qilanaarlungalu kaffisortarfitsinni allaffitsinnilu illarlutalu nuannisaqatigiinnissatsinnut. Pingaartumilli qilanaaraara maani inersuarmi politikikkut oqallillutalu isummernissatsinnut. Politikikkummi pingaartorujorujussuit allannguutaasinnaasullu ukiaq manna oqaluuserisussaavagut, neriuutigalugu aaqqissusseqqiinerit arlallit pivusungortinneqassasut. Ukioq manna aningaasanut inatsisissatut siunnersuummut atatillugu Aningaasaqarnermut Naligiissitaanermullu Naalackersuisoq oqaluttuarpoq, uani ukiami aalisarnermut inatsisissaq nutaaq isumaqatigiissutigineqartariaqassasoq, akileraartarnermut aaqqissusseqqiineq, peqqissutsimut aaqqissusseqqiineq, ineqarnermut aaqqissusseqqiineq aammalu ilinniartitaanermut aaqqissusseqqiineq. Naalackersuisut Siulittaasuata ammaanermi oqalugiaataani tamanna sulii siunertaasoq oqaatigaa. Oqartussaaftit taakku tamarmik tamatsinnut siunissami pingaaruteqartuusut, taamaattumillu uagut Demokraatiniit iluarisimaarparput, kiisami oqartussaaftinni taakkunani iliuuseqartoqalermaat. Ajoraluartumilli oqarsinnaavunga, Naalackersuisut pakatsissutigereerakkit.

Naalackersuisut nalunaaruteqareerput, aalisarnermut inatsisissamik nutaamik siunnersuut pissanngitsoq uffa, Aalisarnermut Naalackersuisuusimasoq ersarilluinnartumik neriorsuuteqareerluni. Maanna nutaamik Aalisarnermut Naalackersuisoqaleqqissaq, suliarlu kigaalleqqissalluni. Akuerineqarsinnaanngilaq sangujoraartoqarneranillu takussutaalluni, taamaattutaaarluni maannakkut Naalackersuisuusut sapiissuseqannginnerinut takussusiilluni.

Peqqissutsimut Naalackersuisuusimasoq augustimi partiinut tamanut ataatsimeersuartitsivoq, ajutoorluinnartumik. Naalackersuisoq piareersarsimanngilaq ersarissulioranilu. Taamaattumik ataatsimeersuartitsineq piffissamik atuilussinnartitsiinnarpoq. Uani sakkortuumik kajumissaarutigissavara, sukaterisoqassasoq. Taama pingaaruteqartigisumut akisussaasuugaanni tassalu innuttaasut peqqissusaannut, anguniagaqarlunilu isumassarsianik peqartariaqarpoq. Peqqissutsimut Naalackersuisuusimasoq taamaassimanngilaq, atuuffimminiillu peersimanera



pissusissamisuuinnarpoq. Matumanilu nikeraanq aamma suliamut ingaarutilimmut kinguarsaaginnalissaaq. Ajorpallaaqaaq.

Neriuppugut, isumaqatiginninniarnert tullii taama pingaaruteqartigisuni torersumik sunnuteqarluartumillu ingerlanneqassasut, uatsinnut Inatsisartunut ataqqinnittumik.

Demokraatini uagut suliat ingerlanerat inernerisassaannullu annertuunik piumasaqaateqarpugut. Torersumik isumaqatiginninniarnertup ingerlanissaa piumasaqaarput, aaqqissusseqqiinernillu inernejarnissaat piumasaralugu. Tassa isumaqarpoq aaqqissusseqqiinert, nunatsinnik siunissami qulakkeerinnittussat.

Taamaattumik Naalakkersuisunut isumaqatiginninniarnertut tamanut peqataanissatsinnut qilanaarpugut, naatsorsuutigaarpulli, Naalakkersuisut pitsaanerumik piareersassasut ataatsimiinnermilu pappiaqqat atugassat naatsorsuutit misissueqqissaarnerit piffissaagallartillugu nassiunneqassasut. Taamaattoqanngippammi isumaqatiginninniarnertut tunuliaqutit ilumoorunneqartutut isigineqarsinnaanngimmata.

Taakkualu saniatigut tikkuartariaqarparput, aaqqissusseqqiinert oqaluuserigutsigit, aaqqissusseqqiinernik eqqortunik perusukkatta. Qinersivimmi uani ajoraluartumik paasisimavarput, Naalakkersuisut Inatsisartunut siunnersuuteqarsimasut, aaqqissusseqqiinernik taasaminnik, ajoraluartumilli aningaasaqarnertut tamakkiisumut ajoqutaasimasunik. Tamanna kinguneqarpoq, aaqqissusseqqiinertut taaneqartut akileraarutinut appartitsinissamut akissaqarnissarput ungasinnerulersiinnaraat, atugarissaarnissatsinnut akissaqarnissarput ungasinnerulersiinnaraat aammalu aningaasaqarnikkut namminiilivinnissaq ungasillisiinnaraat namminiilivinnissatsinnut tunngaviulluinnartussaq.

Aaqqissusseqqiinissat taamaanngillat. Ersarippoq, ineqarnermut aaqqissusseqqiineq aamma peqqissutsimut aaqqissusseqqiineq piffissami sivikitsumi aningaasartuutaassasut, ingerlatat marluk pineqarmata, Siumumit IA-millu tunulluunneqarsimasut, ingerlatalli angerlanneqarmata. Taakkunungali aamma tunngatillugu Demokraatinut pingaartuuvoq, siunissaq ungasinnerusoq isigalugu titartagaq takusinnaalissallugu, taakku ingerlatat pitsaanerumik ingerlalernissaat, kinguneqarluarnerumik aningaasatigullu ingerlalluarnerullutik ingerlalissasut.

Sanngiittortagut salliutinneqartuassapput

Ammaanersiorneri oqaaseqarsinnaatitaanikka atortarpakka ilinniartitaaneq, inuussutissarsiorneq, aningaasaqarneq, aalisarneq, aatsitassarsiorneq, takornariaqarneq, akileraarutit appartinneqarnissaannut taamatullu ittut oqaluuseralugit. Aamma taamaalioqqissinnaagaluarpunga, pingaaruteqartorujorujussuummata. Paasinnittaaserali malillugu, inuit amerlanerpaat ilisimareerpaat, Demokraatit taakkununga qanoq isumaqarnersut. Taamaattumik oqaaseqarsinnaatitaanera ullumi atorusuppara isumaginninnermut- aamma peqqissutsimut politikkitta oqaluttuarineranut.

Isumaginninnermut politikki Demokraatit isumaat malillugu inuit, pisariaqartitsinerpaat ikiorniarlugit siunertaajuassaaq. Inuit, namminneq aqussinnaanngisaminnik inissisimalersimasuukkajuttarput. Tassunga



assersuutissatsialaaput meeqqat sumiginnakkat, innarluutillit, napparsimasut, atornerluisut, angerlarsimaffeqanngitsut utoqqaallu soraarnerussutisiassaminut katersaqarsimannngitsut.

Ullumikkut inuiaqatigiit atugarissaartut pilersissimavagut, tamatta pisinnaatitaaffeqarluta. Tassunga assersuutigalugu suliffissaaleqinermi pisortanit ikiorsiissutinik pisinnaaneq, SU-mut pisinnaatitaaffik, utoqqalinersiuteqarsinnaaneq- aamma siusinaartumik pensioneqarsinnaatitaaneq aammalu akeqanngitsumik nakorsamit ikiorneqarsinnaaneq. Pisinnaatitaaffiit pitsaasut pingaarutillillu.

Pitsaalluinnartumilli ingerlatserusungaaratta, isikkoqalerpoq, pingaarnersiuiinissarput puigorsimagipput, inuiaqatigiinni kina annerpaamik ikiorneqarnissaminik pisariaqartitsinersoq. Sanngiinnerpaartatta siulluinnissaat puigorsimavarput. Iliuseqarnissaminik periarfissaqanngitsortagut.

Assersuutigalugu Demokraatit isumaqarput, inuit sulisinnaassullit ikiorneqarpallaartut. Sulerusuttunut suliffissanik ulikkaarpoq. Taamaakkaluartorli pilerinartunngortippallaarsimavarput angerlarsimaannarluni pisortanit ikiorserneqarneq.

Siunissami annertunerusumik ikiorsiinissarput suliniutigullu inuiaqatigiinni taakkunani, ikiorneqarnissaminik pisariaqartitsinerpaanut namminerlu pisuussutigiginagu ajornartorsiulersimasunut ikiuinissarput.

Meeqqat sumiginnakkat

Ajoraluartumik meeqqat amerlavallaat, sumiginnarneqarlutik peroriartortarput soorlu assersuutigalugu persuttaaffiusumi aamma/imaluunniit kinguaassiuitigut atornerlunneqarlutik. Sumiginnaanerli annikinnerusinnaavoq, meeraq timikkut innarlerneqarani, kisiannili angajoqqaat atornerluinerannit assigisaannilluunniit sunnerneqarlutik, tamakkulu kingunerisinnaasarlugu, meeqqap nererusulluni innarneranik, atuarfimmuut taquanngisaannarluni nammineertussanngortitaalluni. Taakku tamarnik ajorluinnarput.

Akulerunnissatsinnut sukkanerusariaqarpugut, meeraq sumiginnarneqarsimappat. Sulisut soorlu perorsaasut ilinniartitsisullu aammalu qanigisaasut soorlu assersuutigalugu sanilit, ikinngutit ilaquuttallu. Akuliunnissaq ajornarsinnaavoq, uanili pingaartuuvoq, tamatta meeqqamut ajunnginnerpaaq toqqassagipput. Angajoqqaanut akerleriinneq kingusinnerusukkuut aaqqinneqarsinnaavoq.

Taamaattumik qulakkeertariaqarparput, angajoqqaarsiasanik peqartuarmnissaq oqartussanillu allanik meeqqanik isumaginnittusanik, sumiginnarneqarsimasunik. Inuiaqatigiittut pisussaaffigaarput meeqqat taakku ikiornissaat.

Uani Demokraatini pingaartumik isumaqarpugut, pingaartuusooq, angajoqqaarsiaanerup pilerinarnerulersinnissaata ukkatarineqarnissaa.

Ilaqutariippasuit nammineq kajumissutsiminnik meeqqamut, toqqissisimasumik sinaakkuteqarnissamik pisariaqartitsisumut, angajoqqaarsiaassallutik akuersisimapput. Nersugassaapput, inuiaqatigiinni suliassaq pingaarutilerujussuaq tigujumasimammasuk. Taakku ikiorsiinngippata ulloq unnuarlu angerlarsimaffinnut inissanut akisoorsuarnik amerlanernik pilersitsisoqassagaluarimat. Inuttut aningaasatigullu pitsaanerummat



meeqqap sumiginnarneqarsimasup ilaqtariinnut nukissaqarluartunut inissinneqarnissaa, pitsaassaaq angajoqqaarsiat atugarisaasa pitsannngorsarnissaat, ilaqtariit sulii amerlanerusut suliamik tigusinissaminut kissaateqaqqullugit.

Tassunga atatillugu taamatuttaaq pingaartuuvoq, angajoqqaarsiat pikkorissarnernut tulluussakkanut amerlanernut neqeroorfigineqartarnissaat, pingaartorujussuummat, angajoqqaarsiat ilisimasaniq nutaanerpaaniq ilisimasaqarnissaat, meeqqat sumiginnarneqarsimasut qanoq iliuuseqarfigalugillu ikiorneqartarnissaaniq.

Angajoqqaarsiassaniq naammattuniq iliuusissaniq amerlaneriniq peqarnissaq qulakkeerniarlugu, pingaaruteqarluinnarpoq, qulakkiissagatsigu, perorsaasuniq tarnillu pissusaaniq ilisimasalinnik ilinniarluarsimasuniq peqarnissaq, meeqqaniq sumiginnagaasimasuniq tigusinissaminut piareersimasussaniq.

Meeqqanut, kinguaassiuutitigut atonerlunneqarsimasunut tunngatillugu (taakkualu angajoqqaaminnik sumiginnarneqarsimasariaqanngillat), pingaartuuvoq, taakku meeqqat inatsisitigut piunasaqaataalissasoq erngerluinnartumik tarnip pissusaaniq immikkut ilisimasalimmik ikiorserneqassasut inuunerup sinnerani kingunerluuteqarnissaq pinngitsoorniarlugu.

Eqqaamassavarput, meeqqat sumiginnarneqareersimammata. Akuerineqarsinnaanngilaq, meeqqat sumiginnarneqaqqissinnaariataarnissaat – pisortanit.

Innarluutillit

Pingaartuuvoq, ukkatarilissallugu, innarluutillit sunik pilliuteqarsinnaanersut, imaanngitsoq qanoq ililluta sullitassarilissagigut. Innarluutit assigiinngitsorpassuartut takkuttarput, taamaattumilluuna pingaaruteqartoq, inuit innarluuteqartut immikkuullarissutut ataasiakkaatut isiginissaat, immikkullu ersarissumik pilersaarusiuullugit, qanoq ilillutik ataasiakkaarlutik pitsaanerpaamik inuuneqarsinnaanersut. Ilaannut isumaqarpoq, inuunerup sinnera ulloq unnuarlu angerlarsimaffimmiinneq. Uani pingaartuuvoq, ilinniarluarsimasuniq sulisoqartitsinissarput, innarluutilik pitsaasumik inuussappat.

Innarluutillili amerlasuut ulloq unnuarlu angerlarsimaffinniinnissat tulluanngilaq. Naliginnaasumik ulluinnaqarsinnaapput uatsituulli allatut. Ulluinnaq suliffeqarlunilu ilaqaqarluni. Tassani pitsaanerusariaqarpugut ataasiakkaat inuuneqarnissaannut ikiuinissatsinnut. Innarluutilinnut tulluuttunik illunik qulakkeerinnittariaqarpugut aammalu pisortat suliffeqarfiinut, pisiniarfinnut assigisaannullu innarluutilinnut tulluussakkanik isaariaqartitsilluta.

Qulakkiissavarputtaaq, innarluutillip suliffimmik paarisqaarsinnaanissaa. Piffissap ilaannaa pisinnaavoq, flexjob assigisaaluunniit. Immikkullu ataasiakkaarlugit, pilersaarusiugassaapput innarluutilimmut isumaqatigiissuteqarnikkut, qulakkiissagatsigu, uatsituulli inuiaqatigiinni suleqataanissaminut pitsaanerpaamik periarfissaqarnissaat.

Utoqqaat sanngiinnerpaat



Tamatta isumaqatigiissutigisinnaavarput, utoqqalinersiutillit pitsaanerpaamik inuunerminni atugaqartinneqarnissaat. Ullullumi tamaasa tamanna suliniutaavoq. Imaakkajuttutulli isikkoqarpoq, kikkut tamarmik inuunerissaarnissaaq pisaripput, pissakinnerpaat tunniusseqaataasinnaangitsut ikiorneqarnissaat ukkatarinagu. Demokraatit utoqqalinersiutillit tamaasa, suli nukissaqartut sulinissaminnut pisariaqartitsisunullu ikiuutaallutik, tulluusimaarutigaaat. Utoqqaat nukittoqaat, aammali nukittussuseq, annerpaamik imminut paarinermittoq, tamannalu qujamasuutigisariaqarparput.

Taakku utoqqalinersiutillit pillarneqassanngillat. Pensioniminniit ilanngaanneqassanngillat. Sulerusukkunik suliniarlik, taamaaliornertillu nersorneqaatigissavaat. Apeqquterujussuarli aana aamma akissarsisinneqassappat? Aningaasat pitsaanermik atorineqassannginnerpat utoqqalinersiutillit, inuussutissaqanngingajattut ikiornerinut allat tamaasa aningaasanik amerlanernit tuninerinit.

Demokraatit akissutivik piginnigilaat, qanoriliorutta ajunnginnerunersoq. Annertuumilli kissaateqarpugut utoqqalinersiutilinnut, minnerpaamik qaammammut 1.000 koruuninik sinneqartartunut annertooujussuarmik allannguutaasinnaasumik aningaasatigut ikiorsiissutissamik, utoqqalinersiutilimmulli soraarnerussutisiassanik annertuumik katersaqartumut isumaqarpallaanngitsumik. Tamanna sumiissusersisariaqarparput, oqaluserigutsigu, utoqqaat ikiorneqarnissaat. Ajorpoq tamaasa utoqqaat assigiimmik pigutsigit. Utoqqaat immikkuullarissuupput immikkuullarissunik pisariaqartitsisut – taamaattumik immikkuullarissumik aamma pineqartariaqarlutik.

Akerlianilli pingaartuuvoq, inuiaqatigiittut qulakkiissagipput, utoqqaat tamarmik utoqqalinerminni eqeersimaartumik inuuneqarnissaminnut pitsaasunik periarfissinneqarnissaat. Sinaakkutinik pilersitsisariaqarpugut, utoqqaat naapiffigisinnaasaannik nallukattarlutik, pisuttuarlutik, assassorlutit allanillu, ulluinnaat imaqarluarniassammat nutaanik ikinngutitaartornermik immaqalu aamma asannilersoorlutik. Utoqqaat amerlavallaat angerlarsimaffiminni kiserliortunngortarput avaangusullutik. Tamanna iliuseqarfigisariaqarparput.

Atornerluisunik katsorsaaneq

Imigassaq aalakoornartulik hashilu pisuunerpaapput, maani nunatsinni atornerluinermut. Amerlavallaat taakkununga aangajaarniutinut peqqinnangitsumik pinngitsuuisinnaajunnaarsimapput. Taakku inuit atornerluinerannit ikiussavagut, sulileqqissinnaalersillugit ilaqutariinnilu ikiuussinnaaleqqillugit. Alloriarneq siulleq tassaavoq atornerluinermik nassuerutiginninneq. Tassani qanigisaasut akisussaafferujussuarmik tiggummaaqaarput atornerluisup ikiortissarsiortinnissaanut. Ikiortissarsiorneq siulliuvoq, peqqissinissamut pingaarnerpaaq. Tassanilu aamma pingaartuuvoq, atornerluisut tamaasa karsimut ataatsimut ilinnginnissaat, isumaqarluta, inuiaqatigiit aalajangissagaat, qanoq atornerluisut atornerluinertik qaangersinnaagaat. Ajoraluartumik ullumikkut taamatukanneq ingerlagatta.

Inuiaqatigiit aalajangersimavaat, kikkut tamarmik Allorfimmi katsorsarneqassasut. Katsorsaanermi Allorfimmi atornerluisunut tamanut iluaqutaanngippat? Uani pingaartuuvoq, katsorsaanerup pilersarusiornissaa atornerluisoq taassumalu qanigisai qanimut suleqatigilluinnarlugit ingerlanneqarnissaa. Taamatuttaaq pingaartuuvoq, uagut inuiaqatigiittut namminersortut allatut katsorsaariaatilinnut ammasuunissarput. Ukkatarisaq pingaarnerpaaq unaajuassaaq, atornerluisoq atornerluinerminnit



aniguinissaa atornerluisumut eqqortumik katsorsaataasoq aqqutigalugu. Eqqarsartariaaseq qimassavarput, atornerluisut Allorfimmiinnaq katsorsarneqarsinnaasut.

Atornerluinerup ilaqtariit aserortertarpai, pisussaavugullu, sapinngisarput tamaat atornerluisoq taassumalu ilaqtai inuunermt pitsaanagerusumut isumaqarnerusumullu pinissaanut ikiuutissalluta.

Peqqinnissaqarfik pingaartinneqassaaq

Demokraatini nuannaarutigaarput takusinnaagatsigu, pingasuinnarnik ilaasortaatitaqaraluarluta peqqissutsimut politikkip ingerlanneqartup ilorraap tungaanut saatinnissaanut sunneeqataasinnaasimagatta. Uani erseqqissaatiginngitsoorsinnaanngilara, nammineq piomassuserinngisamik meerartaarsinnaanngitsut Danmarkimi meerartaarnissaminnut ikiorserneqarsinnaalernissaat, nunami allamiunik peqqissaanermik suliaqartunik sulisussarsionermi pilerinarnerulersitsiniarluni fasttrack-ordning pitsaanagerusumik nutaamik isumaqatigiissusiortoqarnera aammalu tarnikkut nappaatillit ukkatarineqarnerulernerat aammalu meeqqat inuusuttullu akornanni nappaataasa suussusianik paasinninnerit amerlisimanagerat.

Qularutissaanngilarli, peqqinnissaqarfippu ingerlanerliormat, suliniuteqartariaqarpugullu, peqqinnissaqarfiup ilorraap tungaanut saatinniarnissaanut. Taamaattumik aamma assorsuaq pakatsivunga, Naalakkersuisut ataatsimeersuartitsinissamut piareersarsimanatik aggermata siunissamilu peqqinnissaqarfiup qanoq ingerlanissaanik isummeersuutunik akujuminaatsitaqaratta.

Immikkut eqqarsartariaqarpugut eqqarsaasersuutigalugulu eqqortumik ingerlatsinerluta. Politikikkut taamatut peqqinnissaqarfippu ingerlatiinnassavarput, soorlu ullumikkut? Imaluunniit akerialnik siulersuisulissavarput ingerlatseriaaseq allanngorluinnarlugu? Qanorikkaluarpalluunniit, politikikkut siunissamut ungasinnerusumut tamat tikillugit eqqartuisariaqarpugut soorlu ukiut qulikkaarlugit ingerlasartussanik suliniutit pitsaasut annaaqqunagit, allaffissornikkullu nukiit atulussinnannginnissaat pinngitsoorniarlugit.

Tassani Demokraatinut pingaartuuvoq, kikkut tamarmik suleqataanissaat. Imaammammi, uagut inuttut nammineerluta annertuumik iliuuseqarsinnaagaluaratta nappaatit amerlasuut pinaveersaartinniarlugit. Pujortarunnaarsinnaavugut, killilimmik imigassartorsinnaavugut, orsoq sukkulu annikillissinnaavaput timersorlutalu. Taakkuinnaalluunniit kingunerissavaat, peqqinnissaqarfiup suliaasa siunissami minnerulernissaat. Taakkualu qaavatigut, uagut inuttut peqqinnerulerluta.

Taakku saniatigut kissaatigaarput, piarnerpaamik suliniutit uku aallartinneqassasut:

-IT aqqutigalugu imminut sullinnerit periarfissaanerulissasut, peqqissaanermik suliaqartut allaffissorneri pinngitsoortinniarlugit aammalu ataasiakkaat nammineq peqqissutiminnut akisussaaffeqarnerat annertusiniarlugu. Suliniutit taamaattut taamatutaaq oqarasuaatitigut utaqqisartorpassuit annikillissinnaavaat, tamatta aqqusaarsimagunakkagut.

-Peqqissaavinni sulisut nunaqavissut tigungmiinnarnissaannut pitsaanagerusariaqarpugut. Tamanna pingaartissallugu pingaarutilerujorujussuuvoq qaqugukulluunniit peqqissutsimut Naalakkersuisuusumut aammalu qaqugukulluunniit peqqinnissaqarfimmi pisortatut issiasunut.



-Nunani allani ilinniarfinit suleqatigiinnissamik isumaqatigiissutininik pilersitsissaagut peqqinnissaqarfimmi sulisut piginnaasaannik ineriartorfiusussanik, innuttaasut peqqissusaat ilungersunarsingaluttuinnarmat.

-Pilerinarnerulersissavarput privaaticimik peqqissutsimut sillimmasiinissaq suliffeqarfinnut aammali inunnet ataasiakkaanut.

Taakkulu saniatigut Demokraatinut pingaartuuvoq, unamminartumut aaqiissutissamik nassaarnissaq, tassa, aasaanerani takornariarpassuit tikerartarnerat. Nunat assigiinngitsut akornanni isumaqatigiissummut ilaavugut nunatsinni takornarissanut tikeraanullu allanut tassanngaannaq peqqissutsikkut ikiortariaqalertoqartillugu ikiuuttussaataitaalluta. Aasaanerani, takornarissat/avataaneersut amerlatsilluinnarneranni, ileqquuvoq, peqqinnissaqarfiup suliaminik appaasarnera sulinngiffeqartut sulisunillu amigaateqarneq pissutigalugu. Tassani nunat assigiinngitsut akornanni isumaqatigiissuteqarnitta ammaattariaqaraluarpaq, WHO-mut saaffiginnissinnaanerput imaluunnit allamut isumaqatigiinninniarfigisinnaasatsinnut aasaanerani ikiuisinnaasunik qularnaarinnittussamik. Iliuseqannginneq akisussaassuseqanngippallaassaaq.

Naggataatigut neriuutiga anniseqqissavara, neriuutigakku katersuunneq pitsaasuullunilu kusanartunik inernilinnik ingerlakkumaaripput.